

فيديو # ٥٩٢ من مقاطع حظر التجول تدریس المؤمنون # ٦

الآية ٢٥-٥٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم متين خمسة تسعين من مقاطع حظر التجول والمقطع رقم ستة من مقاطع آآ تدریس المؤمنون. آآ ارجو من حضراتكم تجيبيوا المصاحف - [00:00:02](#)

وآآ تدریسنا اول امس جانب من قصة نوح عليه الصلاة والسلام وامبارح تدریسنا قصة نبی لم يذكر بالاسم وقومه لم يذكروا بالاسم وان كانت القصة هي قصة كل نبی تقريبا. لذلك ربنا لم يذكر وكأنها قصة كل نبی. كل نبی يأتي يدعوا لتوحید الله - [00:00:27](#) وعبادة الله وحده وقومه يكذبون. ويسوقوا اسباب واهية وحجج فارغة. اه زی ان هو بشر مش ملاک وكده. وكلهم برضو واجهوا يعني نفس المصير اه وهو اه هذا قبل نزول التوراة. الالهالك - [00:00:54](#)

كان ينزل عليهم من الله قوم نوح اهلكوا قوم آآ شعيب اغلقوا قوم لوط اهلكوا. قوم هود اهلكوا. وهکذا. اقرا معی خمسة واربعين بقى النهاردة هنبدأ من الآية خمسة واربعين - [00:01:15](#)

اعوذ بالله السميع العليم من الشيطان الرجيم ثم ارسلنا موسى واخاه هارون بآياتنا وسلطان مبين الى فرعون وملائه فاستكثروا و كانوا قوما عالبيين ربنا ارسل موسى وهارون بآياتنا يعني بآيات يعني بالمعجزات الدالة على صدق رسالتهم - [00:01:29](#) اه وهذه الآيات واضحة جدا. لدرجة انها اصبحت سلطان مبين السلطان نواعين. اما سلطان بالقهر او سلطان بالحججة والاقناع سلطان القاهر يعني حد عنده سلطة في انه يتحكم في الناس او يجبرهم على امر ده اسمه سلطان - [00:02:04](#)

عنه الصلاحية مانديت. عنده الصلاحية انه يجبر الناس وسلطان الحجة يعني حد عنده حجة قوية مفحمة لدرجة انها تجبر اي انسان محاید وبيفکر طریقة سلیمة انه یقتنعوا بآيات بتاعه سیدنا موسی زی العصا اللي بتنقلب ثعبان. الید اللي بتطلع بیضاء من تحت بؤه يحطها تانی تطلع عادي. كل ده كان واضح - [00:02:27](#)

لدرجة انه اصبح سلطان. سلطان بتوريق سین سوء سلطان ثم ارسلنا موسى واخاه هارون بآياتنا وسلطان مبين طيب لما هي الآيات مقنعة اوی کده. فرعون وقومه لم یؤمنوا ليه الآية اللي جایة قریت دماغك و بتقاویک. الى فرعون وملأه فاستكثروا و كانوا قوما عالبيين - [00:02:56](#)

هم مش ما یقتنعوا بالآيات والمعجزات. لا ده المسألة نفسية المسألة مسألة کبر هو شایف ومع ذلك انکر برضو جحدوا بها واستیقنتها انفسهم فاستكثروا الف سین تاء زائد الفعل يعني طلب الفعل استكثروا يعني طلبوا او او ارادوا انهم یزهروا - [00:03:28](#)

بمظہر اکبر من حولهم ونتیجة ذلك و كانوا قوما عالبيين. فبقو یتعاملوا مع الناس بتعالی اقرا سبعة واربعين فقالوا انؤمن لبشرین مثلنا وقومهما لنا عابدون بقى احنا الفراعنة العظام والشعب العظيم - [00:03:54](#)

هنؤمن اللاتینین بنی ادمین لبشرین مثلنا اتنین بنی ادمین زینا وکمان ما هماش من خلفیة شیک. ما هماش ولاد ناس. ما هماش متوفین. ما هماش اعضاء في نادی الجزیرة ونادی هلیوبلس. لا لا - [00:04:21](#)

دول من شعب بنی اسرائیل العبید اللي بیشتغلوا عندنا. اقرا معي. فقالوا انؤمن لبشرین مثلنا وقومهما انا عابدون ده اهلهم اشتغلوا عندنا هي نفس نفس نفس العقلیة عبر الزمان - [00:04:38](#)

كالعادة كذبوا يعني كذبوا موسى وهارون. اقرا معي تمانية واربعين. فكذبوا فكانوا من المهلكين ده اللي هم مين؟ فرعون وملأه. حلو ربنا اهلکهم وعارفين القصة واحنا ملاحدzin في سورة المؤمنون ان قصص الانبياء اللي بييجي ده مش بييجي معه بالتفصيل -

00:05:01

مسألة كيف هلك القوم وما الذي حصل بالضبط ما بتجييش القصة بالتفصيل. مجرد ان كل قصة منهم بتؤكى على ان رسالة الانبياء كلها واحدة وان رد فعل اقوامهم برضه كان كل واحد -

00:05:28

يعنى هي نفس القصة بتتكرر اقرا تسعه واربعين بقى وفتح لي ودانك اوي ركزوا معى جدا ولقد اتينا موسى الكتاب لعلهم يهتدون خلي بالك سيدنا موسى له رسالتين مختلفتين رسالة الى فرعون والاقباط او القبط. يعني المصريين اقباط مش يعني مسيحيين ما حدش يضحك عليكم. اقباط يعني المصريين -

00:05:42

قبل السيد المسيح ما يتولد بالف وخمسين سنة كان اسمهم اقباط. عشان تبقو عارفين. اقباط القبط الجبطة ايجيبت الجبطة يعني الطينة السوداء فدول كانوا اقباط وثنيين فكان عنده رسالة لفرعون والقط وعنه رسالة اخرى لبني اسرائيل لدعوةبني اسرائيل. الرسالة دي هي اللي نزل فيها التوراة -

00:06:10

يعنى بعد ما فرعون وملأه وجندوه ماتوا غرقا بعدها بايام بسابيع نزلت التوراة في سينا فالتوراة مش بتستهدف المصريين. التوراة ما كتتش موجهة للمصريين. اقرا بقى الاية بتقول ايه ولقد اتينا موسى الكتاب. اللي هو التوراة لعلهم يهتدون -

00:06:37

مین هم منهمبني اسرائيل طبعا. صحيح بس فين فكربني اسرائيل في الكلام اللي قبل كده عشان ربنا يشير اليهم بضمير الغائب لعلهم يهتدون طب هم موجودين في فين؟ مش موجودين في الصورة كلها -

00:07:00

يعنى كل الايات اللي قبل كده لم يأتي ذكربني اسرائيل فيها سبحان الله! ولا يمكن يكون المقصود فرعون وملأه اللي هم ذكرموا في اخر ناس ذكروا فرعون وملأه. لأن التوراة نزلت بعدهم بعد ما غرقوا في البحر -

00:07:18

قال لك موسى هنا مش يعني سيدنا موسى ده تفسير الرازى موسى هنا يعني قوم موسى زي ما العرب بيشاروا لمسلا قبيلة بكر فيقولوا قبيلة تميم يقولوا تميم. لما باقول لك انا ذاهب الى تميم معناها قبيلة تميم ملابين -

00:07:36

لغة بكر لغة تميم لغة ثقيل في اسود القبيلة كلها فقال لك هنا ايضا موسى يعني قوم موسى ولقد اتينا قوم موسى الكتاب لعلهم يهتدون. ولقد اتينا موسى قوم موسى -

00:07:57

ابن عاشور التحليل والتنوير هذا المفسر التونسي العظيم الاجابية تونس قال ان رأيه هو ان يهتدون مقصود بها غير مذكور في النص. يعني مقصود بهابني اسرائيل هي مش مقصود بها يعني مش ولقد اتينا قوم موسى -

00:08:15

ولا حاجة. هي ولقد اتينا موسى الكتابة لعلهم الغير مذكورين في النص يهتدون. بس هذا الكلام يعني ايه صعب شوية قبولة من ناحية اللغة ده ما وردش قبل كده ان حد يعني يذكر بضمير الغائب وهو لم يذكر. طيب -

00:08:34

في نفس الوقت مش ممكن يكون مقصود سرعة وان خلاص قلنا هلك قبل طب بص معى بقى في الاية تاني كده وركز معى بقى عشان التدبر هيحل دي ولقد اتينا موسى الكتاب لعلهم يهتدون -

00:08:52

طب تعال كده نتدبر الايات اللي فاتت نجد ان صحيحبني اسرائيل لم يذكره بحد ذاتهم. لكن فيه ناس تانيين ذكروا وهم دول المقصودين بعلهم يهتدون. اللي هم مين بقى؟ ارجع معى للاية اربعة واربعين -

00:09:07

ثم ارسلنا رسلنا تتراء كلما جاء امة رسولها كذبوا فاتبعنا بعضهم بعضا وجعلناهم احاديث. ده اللي هم الاقوام بتوع الرسل. فبعد ا القوم لا ميمون ثم ارسلنا موسى واحاه هارون -

00:09:24

وبعد كده ربنا بيقول ايه؟ لعلهم يهتدون اللي هم مين؟ هم الاقوام. الاقوام كلهم. ربنا نزل التوراة لعلهم يهتدون الرسول بعد رسول يعني ربنا ينزل احنا مش بنتكلم عن اي كتاب ده اعزم كتاب بعد القرآن الكريم. القرآن بعده في الترتيب. لكن القرآن اعظم -

00:09:47

من كتب الله يليق على طول التوراة اعظم من الانجيل واعظم من الزابور واعظم من صحف ابراهيم واعظم شيء عظيم فيها شريعة

وعقيدة. فهذا الكتاب فيه بشارات تبشر بمحمد. لعل الناس كلها بما فيهمبني اسرائيل يهتدوا ويؤمنوا بمحمد. احنا تدبرنا قبل كده -

00:10:11

سورة الشعرا عايز بقى من حضرتك تحط عالمة في الصفحة دي في سورة الایه؟ المؤمنون. هنرجع تاني للصفحة دي. علم عليها ورح لسورة الشعرا سورة الشعرا هتقلب هتجيب صورة النور بعد المؤمنون وبعدها سورة الفرقان السورة تالت سورة بعد المؤمنين اسمها سورة الشعرا - 00:10:35

هات لي اخر الصورة الصورة دي متين تمانية وعشرين اية هات لي مية اتنين وتسعين الایة مية اتنين وتسعين في سورة الشعرا. ها خلاص طلعتوها ولا لسه؟ طيب. اقرا معى مية اتنين وتسعين - 00:10:57

وانه لتنزيل رب العالمين. ده القرآن نزل به الروح الامين. سيدنا جبريل على قلبك لتكون من المنذرين. على قلبك يا محمد. بلسان عربي كل ده ايه؟ القرآن صح؟ كمل معى بقى - 00:11:10

وانه لفي زبر الاولين. يعني في كتب الاولين يعني القرآن ذكر ورسالة محمد ومحمد نفسه كل دول ذكرها في زبر الاولين يعني في كتب الاولين. والایة بتاعتنا في المؤمنون بتقول ايه ما ترجع لهاش عشان احنا هنكمي نسب الشعرا. انا هفكرك بها. ولقد اتينا موسى الكتاب اللي هو التوراة من كتب الاولين - 00:11:32

من سبر الاولين لعلهم يهتدون. يعني لعل الناس تهتدي لما تسمع عن رسالة محمد في كتاب موسى وفي الشعرا الایة بتقول ان القرآن جاءت يعني جاءت فيه البشري جاءت البشري لي في زبر الاولين يعني الكتب الاولين اللي - 00:12:00

كمل بقى الایة مية سبعة وتسعين في الشعرا او لم يكن لهم اللي هم كفار قريش بقى وكفار المشركين العرب. اولم يكن لهم اية ان يعلمه علماءبني اسرائيل. هم مش مشركون العرب بيتخذوا اليهود مرجع علمي لهم وكل شوية يروحوا يسألوهم انتم اهل كتاب. وبتعرفوا اكتر من - 00:12:20

طب خلاص هو دي مش اية واضحة مش عالمة واضحة على صدق محمد. ان علماءبني اسرائيل معترفين بربوطة محمد وبقى منهم صحابة سيدنا عبدالله بن سلام بن الحارث ابو يوسف الاسرائيلي - 00:12:43

يا صحابي اسمه كده ابو يوسف الاسرائيلي نزلت فيه اية في سورة الاحقاف وشهد شاهد من بنى اسرائيل على مثله تمام طب نرجع بقى للمؤمنون. ارجع لي للمؤمنون. ارجع لسورة المؤمنون - 00:13:03

شوفوا يا جماعة قال النبي صلى الله عليه وسلم انا دعوة ابي ابراهيم وبشارة عيسى سيدنا ابراهيم دعا في سورة البقرة قال ربنا وابعث فيهم رسولا منهم اللي هو محمد. يتلو عليهم اياتك ويعلهم الكتاب والحكمة ويزكيهم - 00:13:19

وكان بيذعو للناس اللي هتسكن حول البيت الحرام مكة. وقال ابعت رسولا منهم فما فيش غير سيدنا محمد. سيدنا عيسى في سورة الصف قال ايه؟ واذ قال عيسى بن مريم يا بنى اسرائيل اني رسول الله اليكم مصدقا لما بين يدي. للي جه قبلي من التوراة ومبشرا - 00:13:36

برسول يأتي من بعدي اسمه احمد اقرا بقى معى خمسين واتنين وخمسين. يبقى احنا ازا الایة بتاعة المؤمنون اللي بتقول ولقد اتينا موسى الكتابة لعلهم كل الاقوام بما فيهم يشركون العرب وبني اسرائيل كل الدنيا يهتدون الى - 00:13:56

رسالة محمد اقرا بقى معى خمسين واحد وخمسين اتنين اقرا معى خمسين بس الاول. اقرا معى الایة خمسين وجعلنا ابن مريم وامه اية واويناهما الى ربوة ذات قرار ومعين لما ذكر - 00:14:20

سيدنا موسى وهارون وذكرت الایات والمعجزات لما ربنا قال ثم ارسلنا موسى واخاه هارون بالياتنا وسلطان مبين. يسجد ايه؟ يقصد العصابة ويقصد اليد ويقصد الایات ايه اللي جاب بتاعة سيدنا موسى كلها؟ تسع ايات. صح؟ لكن لما يذكر المسيح وامه - 00:14:40

هم نفسهم اية هم نفسهم معجزة سيدنا المسيح كان عنده معجزات تانية لكن هم اكبر معجزة هو المسيح نفسه وامه اكبر دليل على قدرة الله وعلى صدق النبوة هو اللي حصل لهم هم الاتنين. وجعلنا اقرا معى وجعلنا ابن مريم وامه اية - 00:15:06

لما سيدنا جبريل يا جماعة نزل يبشر السيدة مريم بولد وقال لها ايه قال انما ان رسول ربك لاهب لك غلاما ذكيا ليه استغربت وقالت

له قالت انى يكoon لي غلام ولم يمسسنى بشر ولم اك بغيها؟ طب ما يمكن يقصد انك هتجوزها - 00:15:26

انت مستغيرة ليه! ما تقولي ايه! الحمد لله هييجي لي عريس ليه مستغيرة؟ ليه بتقولي انى يقول لي غلام ولم يمسسنى بشر ولم اك غيت مين؟ قال لك انها تتجبني بدون ذكر اصلا - 00:15:44

هي قالت كده ان ما ينفععش ملك ينزل عشان يقول لها يجي لك عريس الملك نازل بمعجزة خارقة لقوانيين التكاثر في الكون اصلا. يا مريم هييجي لك عيل من غير ما - 00:15:57

ومن غير ما يقرب منك بشر اذا مريم نفسها هي المعجزة وابنها جه بدون اب فهو نفسه برضه المعجزة. اقرا معي بقى خمسين وجعلن ابن مريم وامه اية واويناهما الى ربوة ذات قرار ومعين. من رحمة ربنا انه الهمها انها تروح مكان بعيد مكانا قصيرا. بعيدا - 00:16:12

اعين الناس وتجلس على ربه عاليه كده شوية مكان يصلح للجلوس فيه. ذات قرار. مكان ينفع تستقر فيه. مش حت كلها صخور ومش عارف تقول لا حته تعرف تقدر فيها. ماشي؟ ذات قرار ومعيب - 00:16:37

فيها ماء معين ماء ماشي من تحتها ثم ربنا يوجه خطابه لخلي البشر الرسل. اقرا واحد وخمسين واثنين وخمسين يا ايها الرسل كلوا من الطيبات واعملوا صالحا. اني بما تعملون عليم. وان هذه - 00:16:50

امة واحدة وانا ربكم فاتقون في سورة الحج ربنا قال الله يصطفى من الملائكة رسلا ومن الناس. اذا ربنا بيوجه كلامه اللي اصطفاهم من الناس. للجنود الفدائين بتوعه اللي من بين مليارات البشر ليحملوا على اكتافهم - 00:17:14

عبء ثقيل هو هداية الناس وحملة دعوة الى الله كل الناس فشوف ربنا بيكلمهم بتقدير وبحب ازاي ارسلهم وهو يعلم انهم سيذبوا وسيمروا باشد واحلك الاوقات. اقرا واحد وخمسين بقى يا ايها الرسل - 00:17:38

كلوا من الطيبات واعملوا صالحا. اني بما تعملون عليم الدنيا دي انت تعبتوا وجاهدتم وصبرتم وانا عليم. عليم صيغة مبالغة من عالم على وزن فعال للتأكيد على علم ربنا بما قام به هؤلاء - 00:18:03

طب ما تحرموش نفسكم من الاكل بقى ومن الطيبات لا لا لا. اللي يلاقي حاجة كويسته حلوة حلال يأكلها يعني ريحوا نفسكوا وكمروا الاعمال الصالحة واعملوا صالحا لغاية ما اكافنكم بقى يوم القيمة. دون ذكر مكافأة يوم القيمة - 00:18:23

انت لما يكون عندك موزف قام بعمل قوي جدا وبطولي جدا وابلى بلاء حسنا. في مهمة هو موجود فيها في مكان بعيد في مدينة معينة. وكلمك قال لك خلصت يا بشمهندس الموضوع الفلاني زي الفل والموضوع مشي والصفقة مشيت وكله تمام - 00:18:44
التليفون هتقول له ايه ؟ طيب ممتاز. انا مقدر جدا اللي انت عملته استريح بقى شوية وخد نفسك ما تجييش على طول وكل لقمة كويسته وتعال. يبقى انت ناوي تعمل ايه لما بييجي - 00:19:00

هنا ربنا قال لهم ما قلهمش هي عمل معهم ايه في الاخرة لكن قالو لهم في الدنيا يا ايها الرسل كلوا من الطيبات واعملوا صالحا اني بما تعملون عليم بس مش محتاج يقول بقى هيحصل ايه بعد كده مش محتاج يقول - 00:19:15

ده غير انهم اصلا الرسل ما يفرقش معهم زي ما تقول لهم هتاكلوا رمان وآعناب والجنة فيها حور عين ولا اي شيء عام خالص. الرسل كل همهم ارضائي لأن نظرة من الله. ده كل همهم. فيقول لهم ايه - 00:19:29

اثنين وخمسين بقى عشان دي فيها تلات قراءات وان هذه امتكم امة واحدة وانا ربكم فاتقون فيها تلات قراءات وان قراءة ورش ونص القراء تقربيا قروا كده. وان هذه مش وان هذه امتكم - 00:19:46

وان قراءة ابن عامر وان هذه امتكم امة واحدة وان هذه قراءة حفص وتقربيا برضو نص القراء وان هي قراءة ابن عامر وان هذه امتكم يعني بيكمel كلامه للرسل ويبيقى الخطاب للرسل - 00:20:05

بيقول لهم كلوا من الطيبات واعملوا صالحا اني بما تعملون عليم وانهى به امتكم امة واحدة بقية كلامه للرسل. يبقى ربنا بيقول للرسل دي امتكم امة واحدة يفخروا بهم كلهم بقى - 00:20:28

يهود افخر بقوم محمد يا موسى افخر بقوم عيسى. يا عيسى افخر بقوم صالح وهك كلهم امة واحنا امة واحدة يعني الناس اللي انت خدمتهم دول وتعبرتم ليهتدوا دول هم امة واحدة. امتكم. فيهنبي هييجي يوم القيمة ما فيش معه ولا مؤمن. ما حدش امن به

هييجي ايه دي فاضية يعني ؟ يعني مسلا ما نجحش مسلا لا ناجح كل واحد حط لبنة حط طوبة في بناء كبير اسمه بناء الاسلام
افرحوا كل المؤمنين دول امتكم كلهم 00:21:06

خلاص؟ وان هذه يوم القيمة بقى امتكم امة واحدة افرواها بهم كلهم طيب لو استخدمنا وان اللي هي قراءة ورش. هذه امتكم امة واحدة. يبقى الكلام للرسل انتهي خلاص. واللي جاي - 00:21:22

ايه ده كلام جديد بيبدأ للناس اللي بتقرأ هذا القرآن سنة الفين واحد وعشرين ويتدبره كل يوم على الفيسبوك وعلى اليوتيوب وعلى الانستجرام وان هذه امتكم امة واحدة. الكلام خلاص، خلص. ده كلام جديد - 00:21:39

وان هذه امتكم امة واحدة. اللي هي قراءة حفص تحتمل الاثنين ان الخطاب ده يكون تكميلة الايات اللي فاتت اللي هي خطاب الرسل او انه يكون خطاب حديث لقارئ القرآن اللي يقرأ دلوقتي - 00:21:56

وفي النهاية ربنا خاطب بكل الرسل ويخاطب بكم بعده الناس. والاثنتين مخاطبين بنفس هذا الكلام. وان هذه امتكم امة واحدة لا سانية واحدة وان هذه امتها امة واحدة مش تتفكركم بحاجة دى.. احنا مش تدبنا اية شبه دى، قريب يا حماعة. احس، سودة الانساع -

00:22:12

معلش عشان خاطري علم على الصفحة دي في صورة المؤمنون وارجع لي لسوره الانبياء الآية واحد وتسعين هات لي سوره الانبياء واحد وتسعين: الصوره لله، قيل الله، فاتت الحاج لله، قيلها الانبياء ف، اخرها واحد وتسعين: - 00:34:22

سورة واحد وعشرين هات الاية واحد وتسعين. اقرا بقى واحد وتسعين معى والتي احصنت فرجها. برضو بيتكلم عن السيدة مريم وسدننا عيسى، وانهم ابة قىا، ما بيتكلم في، ان هذه امتكم زى، نفس، السكة - 00:22:51

و سینیده حیسی و آلهه اید بن سیسیا یی آن هنده استهاری هنیه استهاری هنیه

امتكم امة واحدة - 00:23:05

امة محمد وامة الاسلام هي امتكم كلکم يا انبیاء ربنا فيها رسائل كثيرة جداً وله امتكم امة واحدة فيها رسائل كثيرة جداً
وجهة لقلب القارئ المتدين. مش القارئ اللي بيقرأ بسرعة مش فاهم حاجة لا - 00:23:33

فکروا فيها واكتبوا الكلام ده في التعليقات وبكرة نناقشها في اول الحلقة باذن الله نتوقف هنا الليلة الحمد لله. اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب - 00:23:51

وَمَا زَوَّيْتَ عَنَا مِمَّا نَحْبَ فَاجْعَلْهُ فَرَاغًا لَنَا فِيمَا تَحْبُّ. اللَّهُمَّ اجْعَلْ حَبَّكَ أَحَبَّ إِلَيْنَا مِنْ أَهْلِنَا وَامْوَالِنَا وَمِنَ الْمَاءِ بَارِدًا عَلَى الظَّمَاءِ اللَّهُمَّ حَبِّنَا إِلَيْكَ وَالِي مَلَائِكَتِكَ وَأَنْبِيَائِكَ وَرَسُلَكَ وَعِبَادَكَ الصَّالِحِينَ. وَاجْعَلْنَا مِنْ يُحِبُّكَ وَيُحِبُّ - 00:24:12

ملائكتك وانبيائك ورسلك وعبادك الصالحين. اللهم احيي قلوبنا بحبك واجعل لك كما تحب. اللهم اجعلنا نحبك بكل قلوبنا. ونرضيك
بك، احساننا. الله ثم احعا، حينا كله لك وسعينا كله في مرضاتك. اللهم احعا، القرآن، الكريم، دين قلوبنا - 00:24:34

وجلاء احزاننا وذهاب همومنا ومغفرة ذنبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم بحقة كا حف فـ . كتابك تلهونا اه تدب ناه افنا واهلنا شـ كـاـ مـ بـ كـ دـ لـ نـا 04:25:00

اللهم انك واعداً اولياك واعداء دينك واعداء اهلك واعداً شره وابعد عنه ولا سلطه الا علىك
الله اعلم - 02:26:00 - حلقة ملائكة تربتنا علينا طلاقاً

دعواتك وتعاهدت على نصرة شريعتك. فوتق الله رابطتها وادي الودها واهدها سبلها. واملأها بنورك الذي لا يخبو. واشرح صدورها
بفيف اليمان بك وجنين التوكل عليك واحيها بمعرفتك وامتها على الشهادة في سبيلك - 00:26:32

انك نعم المولى ونعم النصير السلام عليكم ورحمة الله وبركاته. نهاركم غدا باذن الله ان كنا من اهل الدنيا - [00:27:02](#)